

〔三代實錄清和〕貞觀三年九月九日庚辰重陽節天皇不御前殿於殿庭賜菊酒親王以下侍從以上及文人酣飲賦詩勅賜題云菊暖花未開日暮賜祿各有差

〔三代實錄清和〕貞觀十年九月九日己亥天皇御紫宸殿宴于群臣內教坊奏女樂文人賦喜晴詩宴竟賜祿各有差

〔日本紀略醍醐〕寬平九年九月九日辛巳天皇御紫宸殿賜重陽宴題云觀群臣插茱萸
〔日本紀略冷泉〕安和元年九月九日己丑右大臣已下參仗座有菊酒事無御出

〔本朝世紀〕正曆元年九月九日辛巳是日重陽宴也然而諸卿不參因之進外記大春日仲明藏人所邊觸此由藏人即奉仰還局以召使令申此由大納言源重信卿中納言藤原顯光卿退召使等還來申云各被申障之由專不被參于時小外記小槻善言為申事由參攝政里第令申此由被仰云可申春宮大夫早被參可被行今日重陽宴事者善言奉此由申件卿被仰云只今可參早申傍卿又試諸司慥候者

奉此由罷還于時中納言藤原公季卿以亥刻參然而參議不參仍停件宴諸司裝束儲饌辨備如恒

〔百練抄四條〕正曆三年九月九日重陽宴有探韻事
〔法成寺攝政記〕寬弘四年九月九日壬申節會如常從初御製皆四韻帥敦道親王一人絕句

〔類聚國史七十四歲時〕弘仁七年九月辛未停九日節以聖躬不不平也

〔續日本後紀七〕承和五年九月甲子是重陽之日也天皇不豫停廢節會但賜菊醕見參親王侍從已上於廊下賜祿有差

〔文德實錄三〕仁壽元年九月戊寅以有水災廢重陽宴但公卿於近仗下與諸侍臣聊進菊酒賜祿有差
〔三代實錄清和〕貞觀元年九月九日辛酉停重陽節以先帝忌景近也去年八月文德帝崩於右仗頭賜菊酒群臣次侍從及非侍從堪言詩者外記史內記預焉酣暢之後賦重陽菊酒詩錄見在座者奏之後日賜綿

有差

停九日宴